





915302—
—915331 III

Mag. St. Dr.



915317

III

R^mo P. D.

DEVAIS

DECANO

Plocen. Canonicatus.

Lunæ prima Martii 1751.

I **S** ECUTA Anno 1742. in Mense reservato S. Sedi vacatione Canonicatus Fundi Rypin in Ecclesia Cathedrali Plocen. stante obitu Alexandri Mostovvski Præsidis Tribunalis Regni Polonia, comparuit in Dataria Apostolica Matthias Kara egressus à Religione Cappuccinorum, & cum narrativa quod Præbenda vacans esset *Fundi Medicinalis*, & ex lege foundationis debita Clerico, seu Presbytero in Medicina Doctori gratiam colla-

lationis à Summo Pontifice reportavit, præsentatisque Literis Apostolicis Ordinario Plocen. institutionem obtinuit: Cum verò in capienda possessione ejusdem Canoniciatus oppositorem invenerit Capitulum dictæ Ecclesiæ Cathedralis, hoc interim Joseph Martinus Borziminiski impetravit eundem Canoniciatum à Sancta Sede, vel ob falsam expressionem Matthiæ Kara super qualitate Præbendæ debitæ Clerico, seu Presbytero in Medicina Doctori, vel ob incapacitatem ejusdem Matthiæ ad tramites Statutorum Ecclesiæ propter illius egressum ab Ordine Fratrum Sancti Francisci Cappuccinorum.

1 Hujusmodi impetratorias Literas executionem promereri censuit R. P. D. Simonettus, cui pro executione directæ fuerant, in contumaciam tamen Matthiæ, qui sui mali juris conscius acquievit; sed ad causam veniente Capitulo Ecclesiæ Cathedralis Plocen., signata fuit Commissio Sac. Nostro Tribunali directæ ex integro, & tamquam in prima; Interea Joseph Impetrator pro majori sui cautela obtinuit Gratiam *perinde valere* porrigendo Summo Pontifici supplicationem in qua narravit Canoniciatum debitum esse Doctori in facultate Medica, inutiliter tamen, quia cum intra præstitutum tempus Literas dictæ Gratiæ expedire neglexerit, beneficio Gratiæ gaudere non potuit, quo rei statu perspecto Julius Cæsar Barii consequutus fuit d. Canoniciatum à Summo Pontifice sub narrativa illius passivæ affectionis pro Doctore Medico, expeditisque Literis pro executione directis Sacro Nostro Auditorio, in quo pendebat lis cum Capitulo Plocen., disputatum fuit de executione Literarum, quas prius Joseph Martinus obtinuerat à Sancta Sede, nec non posteriorum obtentarum à Julio Cæsare, idèd proposito Dubio = *An & quæ Litteræ Apostolicæ, sint exequendæ*, responsum accepi, *Litteras Apostolicas Josephi esse exequendas.*

3 Ita quippè exigebat illarum verificatio, nam in eo quod pertinet ad idoneitatem Josephi hac præsumebatur jam justificata in Dataria ex Litteris Apostolicis expeditis in forma gratiosa, ut dixit *Rota in Placentina Beneficii* 27. Februarii 1750. §. 2. *coram R. P. D. meo Caprara*, quo verò ad expressionem valoris Canoniciatus, ejusque vacationem in Mense reservato, cum in hoc conveniant Litteræ utriusque Partis hoc satis est ad illarum verificationem, ut respondit *Rota in Oxomen. Beneficii* 1. Julii 1729. §. *Ultra* verò *coram clar. mem. Card. Calcagnino*, & *in Tricaricen. Cantoratus* 25. Junii 1742. §. 4. *coram R. P. D. meo Molino.*

4 Redacta igitur indagine ad verificationem earundem Literarum in eo quod respicit impetrationem ejusdem Canoniciatus obtentam à Josepho propter falsam expressionem qua-

- litatis d. Canonicatus addicti Clerico, seu Presbytero Doctori Medico factam à Matthia Kara, vel ejusdem Matthiae incapacitatem ob regularem Professionem emissam in Religione Cappuccinorum, & cum hac alternativè exposita Summo Pontifici satis sit quod alternatim verificentur Litterae Apostolicae Josephi etiam in hoc verificatae omnimodam promeruerunt executionem ad firmata *Decis. 149. num. primo coram Eminentissimo Tanara, & in Ostunen. Cantoratus 15. Junii 1750. §. 4. coram R. P. D. meo Molino.*
- 5 Et reverà quidquid sit de falsitate expressionis Matthiae Kara super qualitate Canonicatus addicti Clerico, seu Presbytero Doctori in Medicina, in quo suffragia non conveniunt; hoc unum est quod firma permansit incapacitas Matthiae assequendi dictum Canonicatum ob illius Professionem emissam in Religione PP. Cappuccinorum tum spectata Juris dispositione, tum attenta lege statutorum Ecclesiae Cathedralis Plocen., idcirco Litteris justificatis, in alterutro ex narratis per alternativam, retardari non poterat executio, ut ait *Rota in Oxomen. Cappellaniae 29. Aprilis 1748. §. 9. coram R. P. D. meo Vicecomite, & in Hildesimen. Canonicatus 19. Januarii 1750. §. 4. coram R. P. D. meo Cuprara.*
- 6 Incapacitatem Matthiae propter statum regularem demandant *Text. in cap. cum singula, & cap. cum de benefic. de praebend. in 6.,* ut ait *Rota in Vicen. Beneficii 2. Julii 1742. §. 11. coram R. P. D. meo Buffio,* ulterius Statuta Capitularia Cathedralis Plocensis à Sancta Sede confirmata, ex quibus cum Regulares arceantur ab assecutione Canoniciatum, res plana est Matthiam fuisse incapacem assequendi dictum Canonicatum, non obstante Sententia super nullitate ejusdem professionis superventa quinquennio post emissam Professionem, cujus efficacia exclusa remanet ex eadem omninò servanda lege Statutorum, cujus vigore arcentur etiam ii, qui eorum Professionis nullitatem servatis servandis declarari obtinuerint, ut respondit *Rota in decis. 2. num. 4., & seq. coram Eminentissimo Tanara, & decis. 159. n. 7. coram bon. mem. Ratto.*
- 7 Constabilita incapacitate Matthiae propter emissam professionem in Ven. PP. Cappuccinorum Familia, & consequenter verificatis Litteris Josephi in alterutro ex alternativè narratis Summo Pontifici, illarum executioni nullum praebet obstaculum qualitas Canonicatus d. Fundi de Rypin, etiam quatenus verè fuisset affectu Clerico, seu Presbytero in Medicina Doctori, quia cum Matthias tamquam incapax reputari nequeat concurrens, & nemo alius comparuerit in tempore Medicinae Doctor pro assequendo d. Canonicatu, utique provisioni ejusdem Canonicatus sequatur favore Josephi, licet non qualificati, omninò danda esset

esset executio, cum diutina Beneficiorum vacatio S. Canonibus exosa, non sinat irritandam esse provisionem sequutam favore non qualificati, non comparente qualificato re integra, & intra legitimum tempus, ut monent *Lotter. de re benefc. lib. 2. quæst. 13. num. 50.*, *Gonzalez ad reg. 8. Cancell. Gloss. 56. num. 88.*, *Cerrad. in prax. Benefc. lib. 2. cap. 12. num. 56.*, & 60., *Rota decis. 1314. num. 6. coram Pen.*, & *decis. 904. num. 8.*, & 9. *coram Lancet.*

- 8 Quin subsistat qualificatum comparuisse re integra, eo quia, ante executionem Gratia Josephi supervenit Julius Cæsar, qui uti graduandus in Medicina eundem Canonicatum obtinuit à S. Sede; etenim cum tempore, quo Julius Cæsar supervenit jamdiu à Summo Pontifice signata fuisset Gratia favore Josephi cum expeditione Litterarum, earumque verificatione, & executione demandata in Sententia R.P.D. Simonetti, dici nequit res amplius integra, sed gratia posterior Julii Cæsaris cedere debet anteriori præferenti Jus quæsitum Josepho, cui Summus Pontifex in posteriori gratia nedum non derogavit, sed professus fuit illud intactum præservare velle mediante Clausula in posteriori gratia inserta = *dummodo tempore data præsentium non sit alteri jus quæsitum*, ut notavit *Rot. in decis. 159. num. 3.*, & 9. *coram Eno Tanara.*

Et ita &c. Utraque &c.

ROMÆ, MDCCLI.

Ex Typographia Rev. Cam. Apostolica,

Superiorum permisso.

B 6008 5



